

總序

地理諸書盈筭充棟學者苟能潛心考究已可升堂入室矣又何庸余之一刻陰宅集要再刻陽宅集成哉夫陰宅之書勿慮其簡而慮其繁繁則指歸不能畫一議論未必皆醇且多偽撰矯托前人俾閱者心目迷眩無所適從余用是芟妄存正或全部中只採一二條或一篇內僅錄二三語務使簡鍊精確易於取法故曰集要至古來談陽宅者大都以周書八宅為宗自目誦師王思山出將九宮精理三元氣運剖晰詳明探厥微奧可謂精矣第其書鮮刻本術家偶手抄一二往往私為枕秘不輕易公世所以陽宅之書又勿患繁而患簡簡則言不詳而法未備覽者每多挂一漏萬之歎焉余是以將古今相傳各法其已經刊刻行世者悉校正而摘錄其或坊間未梓之籍諸家獨秘之書亦逐一纂訂使無遺義故曰集成是二集者相為表裏又屬堪輿家所不可缺者也因總名之曰陰陽二宅全書

乾隆壬申春日華亭餐霞道人姚廷鑾瞻旂氏書於片山書樓

堪輿一道由來尚矣古聖人因圖書以闡象數陰陽五行之理昭垂典業姬公作指南車以正方位今之乘氣立向本此為法第三代以前未見專書秦樛里子漢管公明雖有著述未暢厥旨即青烏狐首二經僅傳其文猶軼其姓氏至晉部景純出作筮經言簡意該斯道大明誠堪輿家之鼻祖也唐楊筠松心契其微神明變化用倒杖法能令朝貧暮富故號曰救貧爰著經傳或賦或鉗地理精蘊闡發殆盡後以道傳其徒曾文迪迺書都人天文識緯黃庭內景之書博採橫覽而地理更精焉黃妙應亦楊高弟得楊秘鑰作六法二十四歌宋吳景鸞通易象洞玄真管郭楊會之法咸貫通而集其成如道法雙談四十八局二十九法夾竹梅花陰契陽符皆其籍也鸞卒之詞凡宗師心法悉付女女適張公明叔口授廖瑀望龍解義瑀得金精山善地自稱金精山人有作法秘旨洩天機等書行世賴文俊亦宋布衣作催官經理氣筮法披砂揀金諸籍皆宗守前賢之旨而補其未備者也他若李淳風一行僧邱延翰陳希夷卜則魏蔡牧堂張子微劉秉忠劉青田目講師諸名家均造其極得真諦而可法者但歷觀古人立說意淵微而理純正弗蹈踳異自誣誣人奈世鄙夷故輟意起新徑真傳的派目為平淡無奇不足奮鼓愚眾而後人創造僻論反覺生面別開奉若著祭復取叢哲未洩指歸穿鑿其解附會其註是已非人互相標

誘致陰陽理數杳無可憑豈在昔先民果以模糊影響之談貽誤後人耶余舉業暇遍搜地理諸書讀之問有疑信相參者不憚道里迢遙廣訪明師往而就正又或扁舟一葉問水登山履覆古今名墓以求印合由是而知古人為人瘞埋骸骨著書垂範並不說僻出常理外其道巒頭為體理氣為用蓋巒頭猶人肢體五官具而成厥形理氣如有耳目則有聰明之德故巒頭理氣缺一不可若祇憑巒頭不兼理氣是有耳目不聽有目目不明枯槁無用如木偶然徒講理氣不求巒頭則欲聰聰無所寄欲明明何所施縱另出奇巧而憑空結撰豈能有濟哉余故將巒頭理氣二說摘精華祛糟粕分龍穴砂水四卷名曰集要雖所集者未足罄諸家之論然已握其本而探其源誠能心領神會觸類引伸不為異說惑不以成法拘庶幾古人遺意可得而海內有識者聞之或亦不哂此編為無補云乾隆九年申元甲子桂月朔日華亭餐霞道人姚廷鑾瞻祈氏書於片山書樓

序

自神禹敷土奠高山大川民始得以安居其時雖離巢居穴處之風未遠而陰陽之氣既順黎民於是罔不成若誠以民秉五常之性陰陽之氣順即民之性以順民性以順然後民生以遂也然則欲民性之順惟順其陰陽之氣以體夫維皇陰陽下民相協厥居之意而已矣厥後周禮地師相地之識其說猶存三代而下距神禹之績已邈雖禹貢之文燦然明備而阡陌縱橫時君之開疆辟土者復為之顛倒錯雜於其間陰陽之氣無復順敘黎民多失其性不然安厥居不能免天札疢癘之傷若是乎陰陽之氣之不可不順也魏晉以來青島之術興肇於青囊葬經而旁推交通因以有宅經陰陽之宅雖分而陰陽之氣不分故葬經統於乘生氣一言而宅經則以審陰陽而背之宜為準五寸所之土宜是適不外乎是者是也言雖係乎術家而與古聖人明生成以協天之旨不相悖謬此豈君子之所得而廢之者哉此吾友姚子所以既為陰宅集要為之納其元而提其要茲復為陽宅集成之書也姚子以為難經之旨後世演說不

啻數百家而陽宅之書最寡故其於陰宅也略而於陽宅也詳集編自古以來逮曾楊廖賴諸人為之部分區別統匯眾說而又自綴精意發揮推行精當簡要無非欲以闡明前人之義以合乎順陰陽之氣以奠民居之意而已且人之葬其祖先也既欲綏其宅兆而子孫居室苟或捕其闕凶則是為之後人者先已立於枯朽之地乃欲為前人稱厥統緒守其祭祀於勿替亦已難矣禮曰君子將營宮室宗廟為先仁人孝子不死生親務安其祖宗而使後嗣之當安厥居克守先世之廟祀墳塋而顧可於葬也慎之於居也畧之乎則姚子之為是書也欲使陽宅與陰宅交賴以成而陰尤有賴於陽俾孝子慈孫毋罹於凶不曠安宅益保其室家以延其世安見茫茫禹甸不復見五性感若之民乎是則姚子之意也此予反覆於其書而為之三歎其意之善也

乾隆己巳小春日 賜進士出身翰林院侍講年家眷弟顧來天拜手序

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】** >> <https://www.fozhu920.com/list/>